

MAHINUNGDANONG MGA BUTANG PARA SA PAGPAHIULI SA IGLESIAHANONG KINABUHI

(Adlaw sa Ginoo—Ikaduhang Sesyon sa Buntag)

Mensahe 8

Ang Kalabot sa Pagkinabuhi sa Madaogong Kinabuhi diha sa Napahiuling Iglesia aron Mahingpit ang Diosnong Pamatigayon ug Mahimong Bag-ong Jerusalem

Basahong Kasulatan: Bug. 3:7-8, 11-12, 21; 19:7; 21:2, 9-11

- I. Gipalugwa ang mga mananaog sa madaogong Cristo nga Espiritung gipakusgan sa pito ka pilo, ug naluwanan sila nga magtukod sa Lawas ni Cristo isip pagpangandam sa pangasaw-onon ni Cristo—Efe. 4:16; Bug. 5:6; 19:7-9:**
 - A. Alang sa pagtukod sa Lawas ni Cristo ang mga mananaog aron mahingpit ang Bag-ong Jerusalem—Efe. 4:12, 16; Bug. 2:7; 3:12, 21:
 1. Kon wala ang mga mananaog dili matukod ang Lawas ni Cristo, ug kon dili matukod ang Lawas ni Cristo, dili makabalik si Cristo alang sa Iyang pangasaw-onon—19:7-9.
 2. Ang mga mananaog nga gipalugwa ni Cristo nga Espiritung taghatag-og-kinabuhi nga gipakusgan sa pito ka pilo nagtukod sa Lawas ning panahona alang sa pasiunang pagkahingpit sa Bag-ong Jerusalem sa panahon sa gingharian ug sa kapulihay alang sa bug-os nga pagkahingpit sa Bag-ong Jerusalem sa bag-ong langit ug bag-ong yuta—1:4; 2:7; 4:5; 5:6; 3:12; 21:2.
 - B. Ang mga saad sa Ginoo sa katapusan sa matag usa sa pito ka sulat sa Bugna 2 ug 3 pulos nagpasabot sa pagpahimulos karon sa mga mananaog ug sa ganting ihatag kanila sa umalabot nga gingharian sa millennium—2:7, 11, 17, 26-28; 3:5, 12, 21:
 1. Aron makasulod sa kalipay sa Ginoo ug makadawat Niya nga hilabihan kadakong ganti nato sa mosunod nga panahon, batonan gyod nato Siya ug matinumanon tang mopahimulos Niya karon ning panahona—Mat. 25:21, 23; Fil. 3:8-9; Gen. 15:1.
 2. Kon dili ta matinumanong mopahimulos ug mosinati ni Cristo nga realidad sa Iyang mga saad karon, dili ta makaambit sa katumanan niini sa panahon sa gingharian; ang prinsipyo mao nga kon unsa ta mao unyay iganti kanato—1 Cor. 9:24-27.
- II. Isip ilhanan, naghulagway-daan ang iglesia sa Filadelfia sa napahiuling iglesia—Bug. 3:7:**
 - A. Mapanagnaong naghulagway ang iglesia sa Filadelfia sa iglesia sa gugmang inigsoon, sa ato pa, sa hustong iglesiahanong kinabuhi—v. 7.
 - B. Ang usa ka maila kaayong kinaiya sa iglesia sa Filadelfia mao nga nagtuman kini sa pulong sa Ginoo—vv. 7-8.
 - C. Niingon ang Ginoo sa Bugna 3:8 nga wala ilimod sa iglesia sa Filadelfia ang Iyang ngalan; ang pulong sa Ginoo mao ang Iyang pagpadayag, ug ang ngalan sa Ginoo mao ang Ginoo mismo—Col. 3:16-17; Mat. 18:20.
 - D. Ang pagbalik sa putling pulong gikan sa tanang erehiya ug tradisyon ug ang pagtuboy sa ngalan sa Ginoo pinaagi sa pagbiya sa tanang ubang ngalan maoy labing makadasig nga panghimatuod sa napahiuling iglesia—Bug. 3:8.

- E. Alang sa napahiuling iglesia, ang Ginoo mao ang nagkupot sa yawe ni David, sa yawe sa gingharian, nga makabuot sa pag-abli ug sa pagsira niini—v. 7; Isa. 22:22:
1. Kini ang yawe sa tipiganan sa bahandi sa balay sa Dios, nga gihulagwayan sa balay ni David, aron matukod ang gingharian sa Dios—39:2; 2 Sam. 7:16.
 2. Ang yawe ni David alang man sa pagtipig sa tanang bahandi sa balay sa Dios, nga mao ang tanang kadato ni Cristo nga atong mapahimuslan—Efe. 3:8.
 3. Nag-abli sa tibuok uniberso alang sa Dios ang yawe ni David—Isa. 22:22; Bug. 3:7:
 - a. Nagrepresentar si David sa Dios sa pag-establisar sa gingharian sa Dios dinhi sa yuta ug dunay yawe sa pagbulot-an sa Dios—Isa. 22:22.
 - b. Isip tinuod nga David, ang labaw nga David, gitukod ni Cristo ang balay sa Dios, ang tinuod nga templo, ug gipahamutang Niya ang gingharian sa Dios, ang ginsakpan nga makagamit Siya sa hingpit Niyang pagbulot-an aron magrepresentar sa Dios; sa ingon niana, gikuptan Niya ang yawe ni David—Mat. 1:1; 12:3-8; 16:18-19.
 - c. Kanang naa ni Cristo ang yawe ni David nagtimaan nga Siya ang sentro sa pamatigayon sa Dios; Siya ang nagpadayag ug nagrepresentar sa Dios, ang nagkupot sa yawe nga moabli sa tanang butang diha sa ginsakpan sa Dios—Col. 1:15-18.

III. Himoon ni Ginoong Jesus nga haliging itukod nganha sa templo sa Dios ang mananaog sa napahiuling iglesia—Bug. 3:11-12:

- A. Himoon ta sa Ginoo nga mga haligi sa pagtransporma Niya kanato, sa ato pa, sa pagkuha sa atong natural nga elemento ug pulihan kini sa Iyang diosnong elemento—Rom. 12:2; 2 Cor. 3:18:
1. Ang kahulogan sa *hymoon* sa Bugna 3:12 mao nga mamugnaon tang umolon, kun tukoron.
 2. Sa iglesiahonong kinabuhi karon, gibuhat sa Ginoo ang Iyang Kaugalingon nganhi nato, ug gihimo kun giumol tang mga haligi sa templo sa Dios.
- B. Makita nato sa Bugna 21:22 nga sa Bag-ong Jerusalem ang Tulo-usang Dios mismo mao ang templo:
1. Nagpasabot kanang mahaligi sa templo ang mga mananaog nga mahimo silang mga haligi diha sa Tulo-usang Dios—3:12.
 2. Naglambigit kinig pagkasagol ug pagkaumol sa Tulo-usang Dios—Efe. 3:16-17.
- C. Bisan diha sa iglesiahonong kinabuhi karon, mga haligi diha sa Tulo-usang Dios ang madaogong mga balaan—Bug. 3:12; Gal. 2:9:
1. Usahay mobati kining mga balaana nga sa pagkatinuod ang iglesia walay lain kondili ang Tulo-usang Dios, ingon sa gipakita sa bulawang mga tangkawan nga simbolo sa iglesia—Bug. 1:12, 20.
 2. Ang mga haligi sa iglesia karon mga haligi diha sa Tulo-usang Dios; sa uma-labot nga panahon mahimong mga haligi sa templo sa Dios, nga mao ang Dios mismo, kining madaogong mga magtutuo—3:12; 21:22.
 3. Makita nato niini nga ang pagkahimong mga haligi naglambigit sa pagkasagol ug pagkaumol sa Tulo-usang Dios nganha sa matinumanong mga magtutuo—2 Cor. 13:14.
- D. Ang pagdaog diha sa iglesia sa Filadelfia pagkupot man sa nadawat na nato sa pahiuili sa Ginoo hangtod sa kataposan; kon buhaton nato kini, himoon ta sa Ginoo nga haligi sa templo sa Dios—Bug. 3:11-12.

IV. Naumol ang mananaog sa napahiuling iglesia sa nahikay ug nahingpit nga Tulo-usang Dios ug nahimong Bag-ong Jerusalem, “ang pangasaw-onon, ang asawa sa Cordero”—v. 12; 21:2, 9-11:

- A. Ang nagdumalang panan-awon sa Biblia mao ang Tulo-usang Dios nga nagbuhat sa Iyang Kaugalingon nganha sa pinili ug tinubos Niyang katawhan aron suropan ang tibuok nilang pagkatawo sa Diosnong Trinidad aron mapalugwa ug matukod ang iglesia nga Lawas ni Cristo, nga mahingpit sa Bag-ong Jerusalem—Efe. 4:4-6; Bug. 21:2, 9-10.
- B. Hinimo ang Bag-ong Jerusalem sa Dios ug sa tawo nga nasagol, nasakot, ug natukod pag-usa nga usa ka persona; pareho rag kinabuhi, kinaiya, ug pagka-umol ang tanang bahin ug tungod niana hiniusang persona—Juan 14:20, 23; Bug. 21:2-3, 9-23:
1. Ang Bag-ong Jerusalem mao ang kahingpitan sa sentrong panan-awon sa pamatigayon sa Dios ug sa habog nga punto sa diosnong pinadayag—vv. 2, 9-11.
 2. Hinimo ang Bag-ong Jerusalem sa pinili, tinubos, gipanganak pag-usab, gibalaan, gibag-o, gitransporma, gipasama sa dagway, ug gihimayang katawhan sa Dios nga gihimong Dios—Juan 3:6; Heb. 2:11; Rom. 12:2; 8:29-30:
 - a. Kanang gihimo tang Dios nagpasabot nga giumol ta sa nahikay ug nahingpit nga Tulo-usang Dios aron mahimong Dios sa kinabuhi ug kinaiya ug hinusang magpadayag Niya sa eternidad—Bug. 21:11.
 - b. Kahikayan nga mahingpit sa Bag-ong Jerusalem ang paghimong Dios sa mga magtutuo; kini ang kinahabogang kamatuoran ug kinahabogang ebanghelyo—Rom. 1:1, 3-4; 5:10; Bug. 21:2; 3:12.
- C. “Isulat Nako kaniya [sa mananaog] ang ngalan sa Akong Dios ug ang ngalan sa syudad sa Akong Dios, ang Bag-ong Jerusalem, nga manaog sa langit gikan sa Akong Dios, ug ang Akong bag-ong ngalan”—v. 12:
1. Kanang gisulat diha sa mananaog ang ngalan sa Dios, ang ngalan sa Bag-ong Jerusalem, ug ang bag-ong ngalan sa Ginoo, nagpakita nga napanag-iya na siya sa Dios, sa Bag-ong Jerusalem, ug sa Ginoo; nga iyaha na ang Dios mismo, ang Iyang syudad (ang Bag-ong Jerusalem), ug ang Ginoo mismo; ug nga nausa siya sa Dios, sa Bag-ong Jerusalem, ug sa Ginoo.
 2. Nagpasabot sa Dios mismo ang ngalan sa Dios, nagpasabot sa syudad mismo ang ngalan sa Bag-ong Jerusalem, ug nagpasabot sa Ginoo mismo ang ngalan sa Ginoo—v. 12.
 3. Kanang gisulat diha sa mananaog ang ngalan sa Dios, ang ngalan sa Bag-ong Jerusalem, ug ang ngalan sa Ginoo, nagpakita nga naumol na tanan nganha niya ang pagkamao sa Dios, ang kinaiya sa Bag-ong Jerusalem, ug ang persona sa Ginoo—Juan 14:19-20, 23; Efe. 3:16-17.
 4. Ang paghisgot sa Bag-ong Jerusalem isip ganti alang sa mananaog nagpakita nga matuman kining saara sa gingharian sa millennium; ang Bag-ong Jerusalem sa millennium ganti sa mga mananaog ra—Bug. 3:12.